

聖宋名賢五百家播芳大全文粹卷十七

賀啟

宰執除帥守

賀楊大參帥本路潼川啟

李粹伯

伏審懇辭機柄違咫尺之天威出典侯封承丁寔之
聖意擁兩朝臺闕之望為西蜀家山之光鄉人歌舞
於錦衣之前父老歡迎於車塵之下舊膺知遇倍切
歡悰竊唯內外之勢本無重輕君民之心豈限遠邇
內而贊事則百揆四岳共亮於天工外而長民則五
侯九伯同尊於王室蓋無為己之私念獨有濟世之
公心惟所在焉無不可者况今境土未收於三輔形

勢蓋粹於四川當戰爭恢復之秋在將相出入之地望分東梓境接坤維豈惟資千里魏餉之功抑亦賴一方鎮撫之重恭惟 某官吾道先覺名世大儒步崑崙第一峰擅海宇無雙價飛聲金闕振藻玉除從容鸞鳳之班超越貂蟬之列力贊國是上結主知

專倚屏垣之力畢公在外乃心常念於周家裴度守藩每事不辭於唐政厚春陰於故國還夜直於禁林資一代老成之謀成千載中興之業某曩蒙異顧誤錄寸長曾向日邊獲掃門之為幸今從海角欲望塵而無階局促江干低回吏責瞻南山之巖石空涉歲時活東海之波臣期在朝夕

賀虞大恭帥蜀啟

胡長文

伏審詔輟宗工威伸遠服宅百揆而熙帝載方隆虞舜之疇咨政六師以修我戎出耀宣王之常武蓋君子係安危之本而聖人權輕重之宜謂疆場無虞廓廟仰成於三事而國家多故股肱宣力於四方此旦爽自陝以分而申甫維周之翰我是用急初觀戎乘之啟行王曰邁歸已促介圭之入覲迨及我宋鑒於有周小范有胸中百萬兵西賊聞之膽驚破維弑上河朔十三策北邊皆其手撫摩皆以柱石之大臣來

任邊陲之重寄不圖今日復見我公恭惟 某官學
根帝王名震夷夏湛如止水蘊丹青莫狀之虛臺格
於皇天富簡策莫傳之事業出入兼資於文武用舍
無心於行藏綠野召還有欲王留者西方事重果為
朕行乎蓋天降大任於是人故我獨賢勞於王事稍
慰為霖之望來紓^食旰日之憂誰期并給^絡數千里之封
復眩斗樞三十載之後惟忠烈典策而相望故保釐
命畢之成終一宣道德之威可卜明良之會絕域小
醜吾折箠答之中原故疆可傳檄定也竊嘉績入
東洪鈞某自隱豹於蒙山幸續貂於阮舍久耳金甌
之信未盼^第玉帳之趨遙改前旌願依大厦萬中羽扇
吹渭水之清風相印命圭賀桃林於臘月行臺多暇
列鼎孔^彰嘉願益闕於冲和以上符於眷倚

賀文侍中帥河陽啟

蘇子由

力辭机務得請名邦恩禮便蕃中外慶慰伏惟 某
官輔相三世始終一心器業崇深不言而四方自服
道德高妙無為而庶務以成此朝廷所以遲遲於均
佚之書而士民所以惓惓於保釐之命顧唯出處之
義實係功名之終留侯志於赤松晋公安於綠野油
然自得夫豈不懷荆維玉城密邇全洛政獨止於民

社樂有助於林泉道大難名信後來之莫繼民猶思治
恐久安之未遑

賀梁丞相判建寧啟

熊子復

順字以意改

伏審懇避鈞衡屈臨屏翰紫宸加大官稱冠麟趾之
高未烏方來府望壯龍潛之舊亮功既久歛惠維新
竊以體貌宗臣豈殊於中外股肱要郡實便於往來
是故王沂公家於青而初辭機務則鎮曲阜之邾李
文定世於濮而始罷鼎司則典順昌之郡又况思皇
多士夙皆冠於儒科圖任舊人繼悉還於宰職是為
希濶孰與等夷恭惟 判府大觀文丞相蘊藉真儒

規摹良弼嗣保衡專商之美輔帝舜重堯之華播物
無私轉洪鈞若轉圜之異禦式有要折遐衝何折筮
之勞方授神柄而推元臣迺騰鼎_而分新邑書殿
之崇大學士由來為丞相_龍之恩板輿之奉太夫人况
復_有進_有家園之便直燾潛封而倚泰階之重袞繡華
服而加畫錦之榮四國_于於蕃暫出均於燕逸百寮是
式旋入冠於弼諧某猥迫衰齡浪擬劇邑嘗乞為祠
觀香火之吏蒙許陶成豈與意學校蓋監之生共依
教育

賀陳丞相判本州啟

林豈塵

辭寵罕庭保釐藩服布衣而置上衮茲仕宦之至榮
 畫錦而歸故鄉道西富貴之極致傾朝歌艷載路游
 揚恭惟某官器碩而量宏道方而事實絕體貌於
 簪紱之上會精神於簾陛之間霖雨作而大旱已蘇
 舟楫用而洪源久濟畫像麒麟閣當後人咸知其名
 奪我鳳凰池想中書不作此語蓋當軸久勤於職假
 故貢章願解於繁機能不伐而莫與之爭位既崇而
 必求其止明天子勉從厥志士大夫皆屈此行且丞
 相乞歸猶未許韋賢之請以本州相授庶少償慕姜謨
 之功雖朝廷有係於重輕然而聖意欲均其勞逸輟鈞

衡之任而暫臨都會釋梁棟之材而姑借蕃宣爰載
 歌我徒我御之云歸其特若某水某山之可指於周而保
 南土因其謝人以作庸在晉則居東山當為蒼生而
 復起某跂於顯冊喜溢叢於自惟嶺海之孤蹤曾是
 坯鎔之舊物朱門畫戟未能曳賀客之裾黃閣清風

願再入翹材之館其於欣頌曷以名言

侍從除帥賀許尚書帥蜀啟 程子山

伏審天開綸綍煥日月之休光雲擁旌旄動江山之
 喜色德望久隆於八座威名今決於山川翹首傾瞻
 刻心悚慕竊以禹貢惟叙分五服以正邦周制肇隆

統十連而建牧誕揚聲教實賴蕃宣荆梁州奠而執
玉塗山暨蜀道通而承流澧水文翁建學肇興齊魯
之風廉范下車成詠袴緇之政叱馭顯忠臣之操選
材揚樂職之章自非夙著英聲何以遠追前躅恭惟
某官羽儀王室黼藻人文柄靈自太岳嶽之名宗裁鑒
得汝南之品目早飛英於藝圃夙被眷於淵衷諤諤
縉紳之楷模堂堂國家之柱石卿雲呈瑞載史筆於
螭頭紅藥翻階代王言於鳳閣謀猷出納存膺喉舌
之司事業贊襄克任股肱之寄出專方面隱若長城
爰授節於文昌暫折衝於元帥南陽報政方騰愛日之

休聲右蜀頌條已播陽春之和氣岷峨擢秀參井增
光此聽高吟一洗草堂之風月立臻美化再新石室
之弦歌行俟衮衣之歸克副金甌之選普施膏澤咸
慰具瞻某翹望履聲竦瞻岩采雪山方重盡欽嚴尹
之來鼎俎若勤願獻王褒之頌

賀楊尚書帥蜀啟

耿元鼎

光奉宸恩榮膺閭寄凡居屬部舉切惟悚竊以自昔
雄藩首稱全蜀一十五州之士悉隸封疆數千里地
之師盡歸節制實資重厚坐鎮浮華宣惠愛於遠方
此倚毗之本意恭惟 某官德基宏遠識局深純奕

世功名不替忠臣之後歷朝論議共惟仁者之言輒
從喉舌之司出縮山河之相綸巾羽扇暫寬憂顧之
懷鼎席台階行副具瞻之望某備員屬部托庇下風
忻懌之私敘陳罔既

賀陳尚書帥建康啟

程子山

顯膺宸綽出鎮藩垣起鳩杖於安輿久著文昌之望
刻麟符於留鑰獨專方面之權成命始頒有識胥慶
恭惟 某官器若鼎重德宇泰寧學窮游夏之淵源
道冠孟荀之羽翼青錢萬中蔚為席上之珍丹桂一
枝俯探囊中之物發揮妙蘊游歷華津權衡高典選
之公喉舌副納言之任謀猷告后方深眷倚之恩明
哲保身遽露燕間之請煥崇資於寶閣備真祿於琳
宮念牧民無越於老成故謀帥特宣於近署矧秦淮之
巨鎮實江左之雄都坐收撫御之功式示藩宣之寄
漢祖之煩蕭相久寬西顧之憂周王之命畢公益固
東郊之守佗昭名績進陟台司某濫竊郡丞正名公
比捧觴為醴阻効跡於鳧趨點翰濡毫徒馳心於燕賀
其為頌詠罔既敷宣

賀陳尚書除帥啟

熊子復

伏審光膺^溫詔寵殿大邦兼制列城盡獲^護諸將伏惟

慶慰恭惟 某官受才瓌傑賦質融明叅輔政機早著三朝之望勤勞王室雅膺萬乘之知體貌素隆勳庸甚盛果從祠館昇付帥權上方圖任舊人紹隆丕烈諒惟朝夕側聽登延申伯之式是南邦暫煩鎮撫山甫之保茲天子實副倚毗貌是庸孱政依陶冶

賀葉尚書帥荆南啟

唐子西

伏審輟班常伯寵寄元戎內閣邃嚴首預龜圖之秘上流要重獨顯豹略之奇將士傾心羗胡褫氣竊以漢江揚之南紀疆理是先荆楚晉之西門經營尤重蓋內接金陵之天塹而外連玉壘之坤維豈惟守國

之規模正得用兵之形勢肆疇傑望往殿會藩十乘先行亦既佩龍淵之劍一戎大定將遂掛天山之弓恭惟 安撫龍圖尚書卓識際天精忠貫日嶽降神而生甫卓為命世之才尹以道而要湯蚤負致君之學貳職版省則國計以裕導旨机廷則王猷以宣連八座於中臺方資率屬總十連於大府式賴幹方遙望兩都則故宗廟宮室灑埽有期盡護郡帥則舊營壘麾幟光彩自倍某退惟疎拙深荷眷憐雖謀帥安邊喜遐衝之坐折然知已在外歎孤跡疇依意嚮深勤辭納難盡

賀吳給事除帥啟

熊子復

伏審妙簡全材特頒異數瑣闥入侍聳批救之高風
 蕩節守臨^建守邊之長策措紳拭目介冑傾心竊以
 制匈奴者兩科^詎執和親之利護長江者數處宜知
 險要之爭方夷^酋款塞之未堅而淮甸宿師之既久
 用疇夕拜往視秋防營壘麾幟士卒無所更軍容要
 整障戎鎮守車馬果自治敵豈可乘故雖輟從於甘
 泉何異親臨於細柳恭惟 宣撫給事才闕而濟物
 器博而適時太上簡求早擢副端之峻嗣皇眷倚驟
 陞亞旅之榮中疇收御之才出受保釐之命威不違

於咫尺福并蒙於京師茲復近班^蓋圖大任塗歸是
 屬^職識同龍^朔宿之舍人臨遣自殊恩用元和之故事方
 將布天澤而軍情暖於挾纊占地利而兵勢順於建
 瓴羯戎莫向於藩籬^虜將共成於特角經營次第迄
 用有成輔弼超遷其則不遠某迹將漕計竦聽除音
 猥縻軺傳之乘莫覩橐鞬之屬意^願深^深切辭訥異殫
 賀秦龍學除帥啟

曾子固

伏審進叅內閣就正中權聳然休光服於眾聽恭惟
 某官智周物表識在幾先疏達變通之才早推於
 朝論英奇敦厚之氣實嗣於家聲惟先朝辟國之初

而執事宣勞之際總齊邦賦已逾於三年攝領帥權
名徧於諸路山川不離於指顧草木亦熟於其威名故
一朝疏授鉞之榮而舉軍恨登壇之晚幕府雖舊號
令更新某積媿疎愚久塵盼獎妄意功名之會恥專
文字之間倘許屬鞬獲伍西河之士猶能載筆往銘
翰海之師瞻頌俞深情誠罔既

賀王待制帥荆南啟

宋禹圭

伏審報政中都陞華次對密綴甘泉之法從碓鎮長
江之上游頓寬南顧之憂共得左符之選斷由當諒之
喜見在庭恭惟某官才為吏師術本王佐剛誠百

鍊試之而所向無前器受萬鍾用也而尚虛其半召
自武昌之誥浩入騰京兆之聲三府交稱十行渙號紫
荷陞禁索之貴黃金賜華帝帶之榮謂游刃解牛既輦
較之下先彈壓想虛絃落雁必樽俎之間可折衝誰
謂公安乃得君重將衰然列置上衮須遠矣賢若長
城落日樓頭想未款依劉之對受釐席上顧已深見
賈之思某謬沐知憐方承芘覆阜旌在望靡皇前綴
於賀裾鳳沼過歸尚幾先迎於召節其如欣頌罔罄
敷陳

賀虞侍郎帥廣啟

張寵林休

明詔顯揚碓藩徒鎮蓋冠冕久通於南極故斧鉞令
 下於青冥郵音一傳輿頌四起竊以踰甌閩而南為
 番禺郡自李唐以來若東西州萃崑崙西海之寶財
 喧北戶南溟之歌舞過城門已有數萬飲食泉遂懷
 千金彼十賢之清政無暇雖萬代而高風可激別
 戶賈胡之雜處與洞丁蠻落之難馴惟有其文武威
 風可以為蕃宣屏翰選帥於此非公其誰恭惟 經
 略侍郎先生敦厚而方嚴開亮而卓偉雄論通於國
 體清文煥乎皇猷紫荷索厭直於禁^唐紅蓮幕榮開於
 東粵觀碁縱獵趣還峴首之旌旗翰羽種柑來省湘

南之風俗方王怒赫北征之武然宸衷兼南顧之憂
 願借高明改臨盛府寓章善清官之舊厭承明^禁直
 之聯龍戶集馬人來比本土^上日銜時之異環牛生茵
 雞下將興來暮去早之歌某頓以孤生託於下客疎
 迹幾經而歲籥浮沈難信於書郵因緣仕路之初登
 邂逅恩門之舊主桃李想故蹊之猶在燕雀賀大廈
 之初成此非偶然亦有幸耳^爾畏章服為上官之揖豈
 曰不堪操几杖從長者之謀自今以始春風駘蕩化
 日舒遲想旌旆之戒行願鼎茵之珍裔

賀劉侍郎除帥啟

李成季

肅奉明綸存臨巨鎮當日之風流未遠宜民之歌頌
 猶新凡屬傳聞莫增踴躍恭惟 某官誠身有道抗
 志不羣蓋經綸之才將兼善於天下富淵源之學又
 尚論於古人擢秀儒林飛英仕路早膺簡眷屢罄謀
 猷謨含香握蘭迥出諸公之右登車攬轡益馳八使之
 名亟躋禮樂之司爰作詩書之帥載惟南楚先尤盛星
 沙夾輔畿中為屏翰措紳之冠播宣嶺表帖華夷遐
 邇之情遺愛宛然去思藉甚冠恂內河居多願借之
 黎民黃霸潁川果見詔歸於舊治竊計朝夕入輔冕
 旒輿望所同斯言匪妄某千里蒙閩一枝偷安頃緣
 大旆之經過幸獲光塵之披覩第深山仰尚阻鳧趨
 慶抃之誠敷宣奚盡

帥臣
 賀李帥啟

鄭厚

伏審行殿疏思奉十行之綸綍价藩作鎮權一路之
 節旌德與化地隆望兼權重餘輝所暨善頌惟均恭惟
 某官冠世才猷際天器識注倚獨隆於睿眷清華
 歷踐於亨塗公忠之心儼如白日朝野之答穆若清
 風以卓犖絕俗之能而經綸當世之務木牛紅粟總
 淮甸之輸轉竹馬黃童慶長沙之屏翰撥煩剽劇游
 刃有餘制變乘危政機無間眷五年之奧壤控百粵

之上游非得二千石之淮良曷有十四州之倚重移忠於孝從義以權仁觀五月而服報成仰副九重之簡在明主獨觀萬化思贊中興刺史入為三公行膺峻擢某幸茲二局屬在提封但負弩以趨承第搖旌而悵望其為欣詠寔倍等夷

賀范帥啟

李成季

光膺嘉命更鎮雄藩受愛養利源適乘軺於東部統制方面遠握節於西州在君子之時計宜天下之同慶况居屬部良切懼悚顧惟安化之河關寔據崑夷之襟背苟知其策則天矢時不試一失其節則疆隅屢驚

必資忠智之臣以副朝廷之眷伏惟 某官家聲著代世德在民阜有高明之才夙懷康濟之志輟禁從暫守帥垣人蒙奠枕之安國賴長城之固避子亭之生可想遺風立棠棣之碑何慙往蜀還並聞闡寄入贊家冢嗣某限守州符阻趨鈞屏

賀李帥啟

周少蘊

抗章力請優詔曲從暫勞諭蜀之行益見回天之力恭惟 某官致知格物學道愛人親承西洛之正傳獨殿中都之請諸老至於盤礴遊戲之翰墨嬉笑怒罵之文章趨黃初而有餘嗟正始之復見飛騰逸路頌

掛名

狗盜之吹噓散落遐荒付盜但雞林之裁鑑比九天之
號召已傾四海之觀瞻不俟駕行命義雖存於大戒
可以理遣忠孝果得而兩全方帥間之久虛以計司
而分泣而仰惟臺省清華之宿望加以山林高逸之雅
懷一琴一鶴龜預想鈴齋之靜三薰三沐尚從學士之
游抃躍之深敷陳罔既

賀呂帥啟

熊子復

伏審渙出宸綸鼎來帥屏仍進寶儲之直以光英蕩
之行竊以六朝最重於廣陵十國莫先於連帥率雞臺
螢苑瞻古跡之猶存虎節魚符春騰兵權之特重况今

日方圖於恢復而此邦素積於經營築壘新城乃上
相督帥之所募兵北府寔元戎練武之都匪簡瑰材
曷堪隆委恭惟 安撫寶文檢詳道器宏遠德宇靚
深膺冕旒之殊知歷臺省之要任接官聯於西府載
糾愆違將使指於朔庭肆堅歡好復命甫朝於宸扆
疏思尋貳於計臺廣內天高進圖書之邃直維揚地
重易淮海之雄藩某近別列崇墉述傳華渚有嚴節弁
即復既暢望於光儀不腆緘滕敢預將於誠意

賀李帥啟

王履道

伏審載圖外庸存賜中渥乃眷禁嚴之舊德往提關

陝之全師節命既傳士民相賀恭惟 某官才宏而
 濟博器遠而周勤用動必照幾微之先用能識文武之大
 理財富國極山積而川流制勝安邊每風驅而電掃
 效愈白則忌者眾諺雖巧而功愈明顧全雍之一方
 劇西京之三輔旁連楚蜀外控羌戎水陸輻輳而貨
 泉亟更物產物阜蕃而儲蓄未稱實藉智略仰寬顧憂奉
 三接之榮諒深當於帝意圖萬機之重即久亮於天
 功某最為踈拙自安窮蹇正可出於跨下豈有畫於
 幕中方當仰窺營衛之嚴所以大慰平昔之望倘遂
 諧於發藥真有莫於息歟

賀鄧帥啟

林豈塵

伏審旗幢遠邁原隰有光幕府新開峭驛交賀阻下
 當塗之拜趣脩記室之書恭惟 某官潔愿而淵冲直
 方而開大高堅之尚得於卓爾剛大之氣養其浩然
 故平生學術之自期皆今日仕宦之張本拒撐犁孤
 塗單于之命嘗聞未應為雁警之詩繡衣持斧豈直
 指之威亦有安復問狐狸之語去惡如去草而勿使
 能植牧人猶收羊而無令敗羣政適其中課居其最
 席使君厭東湖之樂鄭尚書承南海之流方歌業業
 以祖齊爰喜番番而入謝姓名初記於廳壁謳歌競

發於江城龍戶集馬人來事皆知其殊異研匣封印
 文合生將見於高春酌貪泉之水而性情不渝躬扶
 胥之祠而丹衷益謹謹去蚌復還於合浦沉犀可記於
 石門釋道緡不啻二萬錢金通夷舶何止四十柁五羊
 化石再傳仙人持德德之祥兩鹿夾車當協宰相畫車
 之兆即後歸朝之疾詎容遮道之留某遭幸自天蒙
 思有地進莫陪於賀客喜益得於吾賢矧獨憐鴛蹩
 之蹤將有事奔走之役成瓜往何行李尚遲酷似漂崇
 陽之酸寒誰說樊川之顛顛徒想其凝清香而森畫
 戟猶異其泛綠水以依紅蓮一時得人願在寶平從
 事之列他年遺愛請陳譚環司草之辭

賀豐帥啟

朱廷玉

寵被恩綸樂司留鑰仁賢所至民吏相纏纏恭惟 某
 官國器宏深天資純正言動皆君子之法出處有古
 人之風早升要塗益聳清望道學有本得之自然政
 事不煩聞者皆見惟別都之重鎮須近代之名臣克
 壯藩垣或宣惠澤報政之速固無俟於暮年為國之
 光將入升於近弼某素承知遇竊獲庇休庇願望履之
 有期實瞻風而自幸

賀李帥啟

鄭厚

掛榜

轅門仗鉞掃狂寇之陸梁天陞函綸渙宸恩之優異
廉印既還於舊貫左符仍渙於新題內聯八貫之官
班外擁中權之節制寵兼三接榮冠一時除目所加
僉言惟允恭惟 某官虎頭封相猿臂家聲凜肅氣
以橫秋挺精忠而貫日雅量素推於遠密清風時見
於謙虛挹節起家欲效鯉庭之訓以身許國遂多金
印之祥埒淮陰背水之功邁益德新橋之勇比者三
溪之際寇竊為羣蹂躪方州震驚生齒屬鋒車之入
覲率王旅之徂征未經歷於旬時已殄滅於醜類初
聞妙算欣千載之難逢既策戎勳沛九天之峻渥果
見功名於韓白仁觀政事之龔黃某頃以蓬蹤叨居
蓮幕側聞盛舉良慰卑踪撫官職之羈縻恨關山之
遼邈皆宿引步阻觀森戟之陳驛騎傳音敢後摩牋
之慶

賀沈帥啟

李知幾

總十連而謀帥欲寬西顧之憂護諸將以籌邊益懋
中權之寄惟今日之重既歸於蜀而上意所指無以
易公參聽明綸倍歡遠俗竊以去天數萬里且拏兵
無休息之期提封五十州又仰養有供須之急重以
三路之深入致此四川之益憂自非愛養根本而深

不拔之基何以撫集瘡痍而圖善後之寄計上所注
 倚者其或在此公宵遠來者固欲安之向風知歸頓
 足自喜伏惟 某官聰明而夷粹肅括而宏深學術
 東遷孔孟以來人物南渡王謝而上昭回顯冊助成
 西漢爾雅之溘剴切謙言 出三代直道之懿向者乘
 軺不測之使屬聞造膝無疆之陳乃今利害之甚明
 豈惟是非之方定尚遲爰立特煩此行聖天子元年
 奉禮樂臨遣之寵太夫人萬福承板輿燕喜之歡矧
 六閣峻西清之華而元戎將北伐之舉徒得君重屈
 裴度親淮蔡之師無以公歸須成王正周召之位如
 某為生 晚 受性奇窮學省備員昔有青天披雲之
 幸泮林側翹 今 復飛馬 鳥 依人之心豈敢援嚴尹少陵
 之舊蹤庶幾似東坡後山之前軌其為欣幸未易宣

言

京尹

賀大尹啟

史天秩

出司真館行安去國之遲入守神州勉就治民之試
 邸函報喜海縣交歡竊以天子千里之畿京師諸夏
 之本水陸扼舟車之會衣冠當風俗之樞歷古開基
 建官作尹嚴明有政摘發如神下筆不差於毫釐持
 法必隱其端迹既輦轂之下必先於彈壓然罪人所

在尤重於平反必資鎮靜之流克處浩穰之寄恭惟
某官天民先覺王佐奇才步武詞垣道山增重提
衡銓選金鑑沉輝偶賢運之半千對天顏之咫尺羣
而不黨公爾忘私仁為守而義為行合則進而否則
退投閑乃分養浩益剛斷自上心召還要地人莫窺
其益猶渾金璞玉之難名士相賀於朝若甘露景星
之始見暫輟調羹之手俾居楫板之聯為卿士而尹
王都以儒雅而飭飾吏事豪強斂手桴鼓稀鳴當堯舜
五帝之時行趙張三王之職蕭望之才堪師傅本京
兆以考功邵信臣名重朝廷自河南而報政真宰相
此其選也大丈夫達則行之某禱薦卑棲韓門晚進
尚濶披雲之覲空懷賀厦之心

賀大尹啟

何仲遠

伏審顯膺宸詔尹邦正畿名躋內閣之嚴職峻中都
之任綸音誕布輿議交歡恭惟 某官粹德表時沉
謀經世識達後先之序才周左右之宜人望益隆主
知浸厚棘廷議讞持平久著於四方天府試能報政
豈煩於五月未淹浹日已渙除書輔神明赤縣之居
方資練達直寶籙珍圖之秘上副諮詢飛揚張趙之英
聲光大夔龍之遠業暫由三輔即踐中台某頃以攝

承嘗依隸屬側聞成命第切欣悰徒深燕賀之誠莫
預鳧趨之列載惟瞻詠曷既敷宣

辛未十一月初九夜依明鈞本補校時已三鼓矣董庵

聖宋名賢五百家播芳大全文粹卷十七

宋本卷第同

聖宋名賢五百家播芳大全文粹卷十八

賀啓

都督

賀陳丞相兼都督仍兼宣撫啓 熊子復

伏以神旌北指方進取于中原天仗東旋獨仰成于
上宰董數路飛翰之旅慰兩河塗炭之民朝野懽呼華
夷震疊竊以昔晉襲魏而崇都督之任故謝文清以
元臣總衆遂襲捷淮淝我宋公唐而抗宣撫之權故韓
憲肅以冢輔臨邊果屈靈夏曠古今而一過邈前後
以相望昨屬金人胡輒渝盟誓騎盭既蒙于淮蜀邊鋒
獨犯歲星之所臨咸料佛狸之必死攬統攬識徐方不
亦警于漢襄我是用急煩大駕以按臨王日還歸留

上台而經略肆揚大冊兼畀重權蓋漢將多材賴陳
 平之盡護而蔡人新服資裴度之來宣恭維都督
 宣撫僕射相公大業格天遠猷經世時方無虞則裨
 贊廟謨而存持正之體世或有警則指畫邊瑣而回
 應變之才惟天閔于成功宜帝賚于良弼比隨躡蹕
 往視連營借前筋于張良屢決帷中之勝示與圖于
 鄧禹特分麾下之軍方將收塞旗斬將之勳布還定
 安集之政豈特使河南之復庶幾令漠北之空其夙
 陶坎北述陰熒煌靜觀形勢之張仰羨規摹之壯猥
 縻使傳沮造軍門揚絕域以播天聲即致干戈之戢

奏膚功而定王國仍觀袞繡之歸

賀呂丞相除都督啓

李堯俞

再頒命冊誕告多方極三公保傅之尊總四海兵戎
 之寄注安危之兩意天子是毗備文武之兼資萬邦
 為憲允惟新命屬在宗工綸綍既行神人咸喜竊惟
 宰相之用舍實繫宗社之興哀考諸前人頗有異論
 好持重者以不言為有體樂清淨者謂無事為可宗
 且端拜廊廟而享太平何假出旌旄而從戎事殊不
 知伊尹相湯而伐桀乃作河衡蕭何輔漢以滅秦遂
 為丞相仰惟都督總是大師東晉獨王導首專其

此後有蘭巨功智張
 空相重都督一旨

此後有洪景伯指傷
丞相兼都督啟一首

權南宋在義恭嘗假其節豈特擅征伐生殺之柄且
將責綏懷招撫之方風勵百蠻部分諸將任固隆于
分陝威已重于專征恭維 某官勲冠百工道隆三
事材蘊嘯聚悉就誅夷草木微生成歸變理入則履
赤烏而凡凡出則揚白旆之央央假八路經略之謀
兼二府樞機之要雖旁聞寄仍領台司某猥與斯民
同依大庇其為幸願倍積悃悃

賀陳丞相兼都督仍兼宣撫啟 朱子發

伏審疇咨上相經略中原運動神機董虎貔之諸帥
布宣天澤弔鴻雁之遺民威聲聞節斧之臨喜色見

簞壺之透竊以陳平盡護諸將果收破楚之勲裴度
往釐征夫迄底平淮之績以帷幄之傑而授英略以
廟堂之宰而傳敷帝恩攷之古今僅有一二况文昌之
左輔總天討之中權蓋虞帝東巡方慰岱宗之望故
宣王北伐獨資吉甫之猷事有至難時弗可失恭惟
都督宣撫僕射相公經邦任大濟世才高武王誕

將天威有若闔天高帝能用人傑不如子房陪清蹕
之時巡致漢廬之宵道屬吾元老成此大功其馳傳
迹使吏士復見漢儀所縻拜塵伊阻路車乘馬以贖申伯仰承明威衮衣

繡裳而迎周公佺聆奏凱

播芳大全

卷十八

三

此下有白呈瑞眉素樞
密事柳皆眉一首

天旋日轉王曰還歸
掃風除虜期珍滅
此四句補前通句下

賀吳少師易節啓

毛伯穎

雖保侯之得_謂劉_已之_策而_前歷_之謁_趙奮_允賴_扞城_之略_折遐_衝于_萬里_注睿_想于_九重_治兵_猶願_言於_軍事_爰自_胡皇_之夢_字存_經密_海之_神騰_方靖_于朔_廷求_士每_開於_東閣_聽鼓_擊而_思將_帥之_率旣_表挽_弓之_去脅_滿任_賜弓_矢以_專征_伐之_威爰_得偉_人以_付全_蜀岷_梁池_弄兵_之子_存為_蛇豕_既境_土坐_取奠_枕之_安衛_霍功_名僅_陪扶_穀之_役究_觀敢_眺荆_節之_汝壤_化儲_密通_疆場_多虞_長戟_動弓_難保_山河_之固_席衣_輸食_但期_朝夕_之安_遠旅_省字_之憂_每重_登壇_之興_奉

王者之兵本仁義方恢闢國之功天下之將通神明
 折遐衝于萬里注睿想于九重治兵
 猶願言於軍事爰自胡皇
 之夢字存經密海之神騰
 方靖于朔廷求士每開於東閣聽鼓擊而思將帥之
 率旣表挽弓之去脅滿
 任賜弓矢以專征伐之威爰得偉人以付全蜀岷梁
 池弄兵之子存為蛇豕既
 境土坐取奠枕之安衛霍功名僅陪扶穀之役究觀
 敢眺荆節之汝壤化儲密
 通疆場多虞長戟動弓
 難保山河之固席衣輸食
 但期朝夕之安遠旅省字
 之憂每重登壇之興奉

此段漫又東因句下

若敵國典刑肅著于家聲賢于長城方略力扶于帝
 室任既隆于分閫志尤切于請纓綸中屯須上之師
 繡帽識山西之將采詩書禮樂而成其利有智信嚴
 勇而兼以仁仰遵神武不殺之威盡得上兵伐謀之

道橐兜戟轟肅中權後勁之儀鼓鐸鐳鏡致布令陳

先渠震懼羣龍逆奔細柳營屯但聽平夫之令由梁行陳賦于魏
辭之用思屬風雲威加草木廓清氛祲何止勒燕然

之銘宣揚威靈固將繼營平之頌申信賞于山河之
 誓參休聲于金石之和不日而成唯天所授其哀遲
 末路况散下僚雖從齊魯之師儒頗慕秦梁之節義
 金閨通籍遙懷鉛抱槩之流油幕充員無走章馳檄
 之效久積依劉之願遂諧御李之雄實獲我心云胡
 不喜洗心滌慮倘陪鈴下之簪裾頌德歌功願備囊
 中之翰墨

賀張都督啓

張少瑜

遵命廟謨按行邊鎖文昌上相光臨牛斗之墟太一
 靈旗潛擬懸龍之旅岳祇修貢湘后靜波縱巨艦之
 千艘來長風之萬里賦青丘而吞雲夢遂播前歌登
 灞岸而望長安方觀盛舉氣澄地表喜動天顏中興可
 期天下幸甚恭以 某官精忠貫日勁節橫秋論思
 自結于主知康濟累陪于國是虞淵靖難井絡宣威
 整頓乾坤寶社稷萬年之幸用作霖雨蓋君臣千載
 之逢揆路揚輝斗樞兼運四海之亂離瘼矣敢憚于
 行重湖之戶口蕭然請觀其變齋壇受鉞柔日建牙

望寶所符神人攸相仁風義象初不待于兵交撥霧

披雲旋即收于指顧信威殊俗振旅還朝晉公之威

譽已隆既平淮蔡蜀相之盈心益壯當定中原方與

士夫同茲勳伐某侵尋晚景孤苦餘年榮養不留明

思未報膚功咸喜敢詠淮西之詩來事可為願贊燕

然之勒路遙北闕氣爽西山冀精五鼎之調式副六

符之倚

宣撫

賀揚郡王徐宣撫啓

劉子翬
張少瑜

伏審簡在宸衷倚敷廟算鷹揚致詠名高尚父之勳
 命召虎以來宣撫盡淮夷之寇
 虎拜來宣命傳江漢之訢
 總熊羆之列將拯鴻雁之

播芳大全

卷十八

五

此後有汪聖錫賀黃
觀文除宣撫啓一首

遺民萬里揚聲八荒懾氣恭惟 宣撫太傅郡王才
長而慮博任大而眷隆高密元勳冠漢室中興之將
汾陽偉業為唐家異姓之王勤勞久扈于岩除威譽
還馳于沙漠比提禁旅屢挫敵兵蜀大駕之還歸付
中原之經略方將布天恩而軍情暖于挾纒據地利
而兵勢順于建瓴瞻望兩都則故宗廟宮室灑掃有
期指麾諸將則舊營壘麾幟精彩自倍某猥縻驛傳
阻拜轅門四方時靡有爭看即清于王路三公官不
必備還遂涉于師垣

賀吳樞使除宣撫啓

劉子駒

聖主乃眷此方慨然而嘆諸將未有所屬命我
西樞之臣往臨漢中填鎮服境外豈徒連營喜而動色
固亦敵國畏而寢謀諒天啓于睿衷使公畢于能事
蓋新安之晚歲頗失統御之和况武興之重屯莫知
什伍之數盡除斯弊今正其時恭維 某官深被陳
知再居宥密必為國家畫經久之策遂于疆場圖備
預之方宿兵三邊而部分未甚明拓地綿萬里而緩急
何以守莫若坐轅門而申令咸得超軍伍而自言各
相推舉足以見議論之公退加考察然後究才能之
實昔周世宗于是拔以賢而為何徽之代近曲將軍

以此選于衆而得吳玠之才既擇良將而付之戰功
又建強藩而為之扞蔽果令形勢可得而待則免倉
卒不知所圖是為節度之師悉據要害之地明公可
歸廟堂而端委有事則出羽檄而指揮一定規模但
觀機會當心垂衣而何慮寰區奠枕而不憂率土之
濱莫非王臣兼可收于故地生民以來未有夫子孰
得比于元勳某切願明公之名高出古人之上輒陳
鄙夫管穴之見皆本當世縉紳之談敢冀高明或垂
採納

賀王殿學除宣撫啓

馬子才

神旗翠盖方展義于江吳大纛高牙實寄賢于岷蜀
采簪紳之宿望伏樽俎之宏謀長城巨防致邊烽之
帖息輕裘緩帶見民堵之歡呼鼎彝方奏于隆勳篋
積兼收於遺策擊轅拊缶雖慙白雪之音彈幘振衣
願附青雲之足恭惟某官明堂祀梓清廟璫璣學問
淵源博強識明之君子智謀經緯簡德易業之賢人
戎輅累試于介藩譽處獨高于清橐屬聖王念坤維
之凋瘵命大臣申巽虎之撫綏讀書命于行臺儼軍
容于大府轅門玉帳精神折于遐衝羽扇綸巾謀慮
儋于勅敵不愆于素克壯其猷朱英綠縢益盛魯公

之徒旅彤弓盧矢將錫晉侯之典章丕昭帝圖懋建
臣績某瑣才弱質慚學局聞恥湮替于家聲冀徇翔
于藝苑義冠結綬幸隨材閣之賓抱槩懷鉛誤玷蘭
臺之侶朱儒愚自守藍縷無成比鵠并名皆踐公卿之
貴閑闕却掃盍謀田里之歸未成三徑之賢猶苟一
麾之祿念獲親于言笑深願就于範模雖抱影于空
廬每馳情于交戟烏則擇木果依嘉蔭而棲魚潛在
淵當幸餘波之潤

賀虞尚書除宣撫啓

邵公濟

光奉制詞併疏典禮分符節而出使賜鉄鉞以專征進

龍閣首冠牙羣儒升虎帳護于諸將慶闕宗社歡欣
動神人恭惟 某官博宏大宏深高明忠恕揚歷三朝
之舊進登八座之尊家傳素書國有青史夙奉聞執燕
之對初不言兵終建保蜀之勲自能却敵異論薦興
而功愈白邪說中熾而道益尊雖滔天之甚危欲毀
日之安可公不為動上果無疑惟君臣賢聖之相知
實天地鬼神之陰相宣王止勤于北伐周公正賴于
在寇望風而退舍齊民指日以奠居人若更生虜將送死
東征當上命之初頒均下情而共快某盤踞不進結

指芝大生

約無期悼一飽之何時窘千憂而繼日官已辭于州
縣迹特遁于山林恐終負于吹噓每自傷其流落裴
度之平淮蔡得退之以載頌詩李晟之復長安屬公
異而為露布顧茲文武之美實為賓主之榮念欲報
于大恩或有須于末技自慙不武敢日論文果獲紀
于成功庶得陪于盛事

賀虞宣撫啓

李仲之

聖天子明見萬里深軫邊防賢宰相外撫四方式酬

朱廟堂而進退百官者
台輔之權填方面而
管群先將臣之事由而
身臂之使商外而手足之
得爾任有不自才惟各稱
此段地人亦上進周上
然孤掌鳴劍者武夫至
於輕敵而推歌投壺者儒
臣足以折衝故羊祜鎮南
夏則陸抗深服其威祖逖
揚詭城而石勒不敢為寇
此段補入是宜外間曰上

睿意大庭敷命諸夏傾心竊以成王造周而西處一
相王導輔晉則出督諸軍何疆場勞輔弼之臣蓋朝
廷重本根之地雖王道治近不治遠然聖人視外猶
視中禮樂固任於大猷詩書亦謀于元帥是宜外闡
咸寄重臣恭惟 某官天下偉人本朝元老學者山
斗國之蒼龜忠義出於本心文章特其餘事曩長江
之開釁致投馬之交駟百萬武徒衆實繁于泚水二
三大將誰有志于伊吾遂從言語之官出總師徒之
此方圍其對密謂人筆之可符彼欲投鞭而斷流竟輸之不返
任凱歌既奏衮衣以歸旋持西府之權許奉東征之
使隱若敵國賢于長城俄別玉屏歸調金鼎中國相

潘芳大全

卷十八

九

之徒旅彤弓盧矢將錫晉侯之典章丕昭帝圖懋建
臣績某瑣才弱質惜學局聞恥湮替于家聲冀徇翔
于藝苑莪冠結綬幸隨材閣之賓抱槩懷鉛誤玷蘭
臺之侶朱儒思自守藍縷無成比牒并名皆踐公卿之
貴開闢却掃蓋謀田里之歸未成三徑之賢猶苟一
麾之祿念獲親于言笑深願就于範模雖抱影于空
廬每馳情于交戟鳥則擇木果依嘉蔭而棲魚潛在
淵當幸餘波之潤

賀虞尚書除宣撫啓

邵公濟

光奉制詞併疏典禮分符節而出使賜鉄鉞以專征進

龍閣首冠手羣儒升虎帳護于諸將慶闕宗社歎歎
動神人恭惟 某官博宏大宏深高明忠恕揚歷三朝
之舊進登八座之尊家傳素書國有青史夙奉間執燕
之對初不言兵終建保蜀之勲自能却敵異論薦興
而功愈白邪說中熾而道益尊雖滔天之甚危欲毀
日之安可公不為動上果無疑惟君臣賢聖之相知
實天地鬼神之陰相宣王止勤于北伐周公正賴于
在寇望風而退舍齊民指日以奠居人若更生虜將送死
東征當上命之初頒均下情而共快某盤踞不進結

宜千人之必封某側又聞遣使實難在古甚重于平時
 道達德意尤不可忽矧兵間指授將帥豈曰姑行近
 者官軍卷甲敵境可為寒心苟非王人仗節闔門立
 致解體此何止吾蜀之利害固多繫宗社之安危唯
 公智識之高當時擾攘之際不獨裴度淮蔡三州之
 重要是春秋四海之通久留無嫌何以為報會且歸
 矣社而稷之伏惟 某官學明而氣充高才博而意遠元
 祐之降得南豐豫章之正傳永嘉以還有茂洪安石
 之可待特如五福太一之臨蜀若長城百萬之折衝荷
 橐陞榮念法從貳卿之甚眷袞衣賜服當樞衡九府
 之久虛某之此來公尚幸見陪下客以學為政庶幾
 一言終身之依聞東閣以招文賢人端欲異時九鼎之
 重其餘欣詠未究敷宣

太尉
賀蔡太尉啓

翟公巽

伏觀審詔制廣西蠻洞納土置南丹州幅員萬里冊拜
 太尉者臨軒用樂以答元功告廟策勳以崇殊典盖
 名器以實浮而增重惟德量故寵至而不驚誠夏聳
 聞神人溢喜古者天子有道守在四夷賢人在朝折
 衝千里維時巨室必有世臣使其國勢之輕重繫于
 存亡人材之盛衰視其進退崇堂遠地知廉陞之難

攀猛獸在山維藜霍之不採當今之世捨公其誰恭
 惟太尉輔翼聖朝股肱帝室躬回天之勢而人主
 不忌有盛義世之略而天下莫爭乃眷蠻方悉歸輿地
 闢國百里顧豈尋常通道九夷比為狹隘用能當四
 輔三公之冠專五侯九伯之征兼軍國之異容極將
 相之隆數來威有克壯之元老無競以烈文之辟公
 而況今者符貺並臻君臣歸美歛嘉祥以誕敷弘德
 興雅頌以文致太平主上虛己以聽公明公宏度以
 鎮物叶此羣后之讓永觀晟樂之成歸如九鼎之安
 靈承帝臯之固

賀呂太尉啓

葛魯卿

伏審集朝路之班誕揚制命出少府之節榮付師垣
 輟秘殿儒學之英提和門韜略之要上心圖舊輿論
 交徵伏惟某官資武以文氣剛而塞休本有亨嘉之
 會了無強從之名蚤識拔于先朝嘗參持于大政入
 而許謨在道非臯夔之策不陳出則談笑臨邊比方
 虎之才何款矧觀國大舉之際當羈御軒禦之衝燉
 大嘯犬鮮羽來書盤至將五權而兼用月三捷以告功增
 秩賜金屢回于眷注登壇受鉞尤示于褒崇某夙荷
 知憐數承盼睽側聽都俞之寵良深抃懌之懷其在

詠思昌勝敷叙

賀張太尉啓

崔德符

伏審誕頌麻制寵陟將壇喜氣光朝驩聲載路恭惟
 某官直清博大沈厚高明出入五朝身任四海之
 重雍容三省望俱九鼎之崇留總全師存彌累歲繕
 保勝安邊之策百廢具興奮鉤深致遠之威羣謀自
 寢果聞顯渥敷告治朝豈獨光照于弼臣固已潏震
 于鄰國夫雄藩巨鎮固人情之所共榮而大纛高牙
 在儒者乃為可貴仰名寶之具美揆古今而罕儔始
 游翰墨之場嘗先光四海之英俊建編機衡之任遂秉
 一方之節旄凡此致身富貴之功實惟兼資文武之
 效元老全德夫何方虎之敢倫遠馭長驅必適周召
 而後止某被眷惟厚受恩最深方依節制之尊未恨
 身名之晚其為欣抃更倍等夷

賀呂太尉啓

黃景聲

勲書盟府寵錫師中朝野僉諧民人同慶伏惟 某
 官本朝元老名世宗儒傳孔孟之微言藹臯夔之素
 望廟堂餘事何拘文武之方江漢奇功無取干城之
 末豈持復近年之棄地蓋將補前代之拙謀九壘相
 望隱若湯全之固七軍用命坐收茅土之勲然登壇

于二紀之前受鉞于百罹之後果有天工之陰鴻何
須人事之多塗白青海白登烏久任有同于里社碧油紅
旆畫歸終遠于鄉閭少紆籌筭之衡固卒混同之業
某少馳雁塞晚卧熊湘行吟于楚澤之濱賈勇于漁
舟之上樓船下瀨難施矍鑠之能袞職東歸敢獻穆
清之頌

賀劉太尉啓

程元裕

伏審顯承制命榮建干旄公議所歸輿情交抃伏惟
某官秉心忠厚率履端修威名久著于邊郵眷任
素隆于中宸果膺異寵顯貳元戎某首承翰旆之勤

第切惘悰之愧凝寒在序珍耆是祈

賀辛太尉啓

綦內翰

出宣威命起進使權肅提貔虎之師撫鎮甌閩之地
先聲所被屬部如歸恭惟 某官學勤韜鈴家傳旄
鉞名馳閩外常坐折于遐衝族冠山西夙有聞于當
世久從艱險備著忠勞暫寬南顧之憂即正中權之
拜某頃聯從索每接朝裾方得請于符章遂託安于
旌節驅攘暴亂已聞鄰境之清蘇息凋疲伉慰部民
之望其為欣幸難盡敷陳

賀文太尉啓

方雲翼

伏審誕布策書榮更特鉞衍封多賦增秩上公聖朝
 褒德而祿賢勳臣加地以進律述聞休命良切抃悰
 伏惟 某官王國表臣天元間氣夙稟忠嘉之德尤
 高文武之能先帝揀賢登參于機務聖皇圖舊久付
 珍逆節於先表震先聲於靈夏疆梁說公痛疾後心請為藩翰
 于邊權為來句來宣之臣夫如帶海疆之誓方銘功
 于藝器宜紀象于雲臺歸冠察察叶調鼎鉉某塞垣
 元事慶牘後時遐念節旄第勤心目其為抃仰未易
 究陳

賀太尉啓

程子山

光奉制書榮加寵命伏惟——慶慰伏以 太尉相公

天資全德岳降上靈黃石一編早契神傳之妙溥岩

三命式符帝賚之祥爰自蘭錡訓兵齊壇謀帥伏波

方略既閣合于孫吳卻轂穀詩書遂率先于狐趙而鑿
 門漸受律堅壁防秋旂常備載于勳庸屏翰益光于倚

注式分右地爰踐中台申伯蕃宣諒夾輔于周室段
 干偃息盖卧治于淮揚今者肆類郊丘推恩方鎮進
 掌武之秩用冠三公加食采之封更踰千戶表聖朝
 之尚德見明詔以褒功慰四海之具瞻寶九鼎之增
 重某分庭納顧雖殊荀范之衆人賀屢翹誠莫禎申
 陵之下客欣戀之致倍萬等夷

二月初八日松岡葬事既畢移回大覺寺校畢此卷

聖宋名賢五百家播芳大全文粹卷十八

賀張丞相兼都督啟

蘭巨功

疇咨元老首冠鴻樞自祖宗欲再相於舊臣先施此
典宜神聖又一新於督府爰舉徽章國重以人德浮
於位恭惟 某官道侔三代之佐學關百世之師即
之溫然乃名滿寰區而不處識其小者謂材兼文武
之有餘國論萬變而守如初孤忠百鍊而難於合胡
馬南牧拆筭以斃其酋衮衣東征投戈而拜吾父與
其淹恤於邊闈曷若遄歸於廟堂蓋欲傾海以洗乾
坤公之始願則不以賊而遺君父誓不俱生上勉徇
於精誠礼姑崇於宥密關河響動華夏氣舒万口驩

呼孰不誦諸葛出師之表諸生延竚又將睿武公入
相之詩某吏畢言還郵傳聿至語心獨喜尚見太平
於桑蔭未徙之間引頸非遙行望餘光於槐陰已成
之下

賀湯丞相兼都督啟

洪景伯

伏以首顓國秉併董戎昭馳中郎之使於單于將備
正名之典兼太尉之官於丞相示恢偃武之圖万里
揚聲百鑿褫氣切以總兩科之見利漢固守於和親
咨壹德以視師唐必先於釐宥蓋交鄰國有道而重
啟邊釁况用真儒无敵而匪緣兵威矧夫華夷要約
之未堅江淮戎役之久暴用疇上宰悉護諸軍定功
而不為貪功和衆而非以動衆雖採晉朝之官號寔
符治古之師行東征若周公將是皇於四國北伐如
吉甫本為憲於萬邦坐令聖武之昭自致人兵之屈

恭惟 平章都督僕射相公道闡百聖功冠兩朝輔
帝舜以重華方制蠻夷之猾夏佐有商而專美深虞
甲冑之起戎議靡惑於拘攣識自參於寥廓果堅上
意允合民心廟筭不移勵節宜加於體貌兵權是總
折衝正賴於精神收發縱指示之功廣輔贊彌縫之
用某夙陶鈞播益從巖瞻四方時靡有爭會見甲兵
之洗三公官不必備即聞袞繡之迎

賀葉樞密兼都督啟

白宋瑞

分憂宸極督戰江干諸將四馳競掃滔天之敵中原
一混悉歸輿地之圖宇宙廓清神人歡喜切以蠻夷
猾夏臯陶務正於典刑戎狄亂華孔子尤嚴於筆削
蓋以豺狼之當道必率禽獸以食人此智者見微而
預圖而仁人感憤以垂涕垂茲羯虜介彼朔方以其
地則不大於周之蠻荆以其民則不敵於漢之甌粵
驅馳狡衆蹂躪神州清蹕翠華久駐東巡之駕白麾
黃鉞未消北顧之憂腥風吹射於四方虐焰流移於
三紀謀臣策士嘗歷筭以周思悍卒武夫亦遊談於

聚議雖曰礪乃交而鍛乃刃孰能聿其庭而掃其閭
豈知興衰撥亂之功苟待拯溺救焚之手恭惟 某
官洪深而肅括剛大以直方上皇降康特賚傳岩之
說皇天眷命挺生崧嶽之中高明百世之師智勇万
人之傑自奮身於朝列尤切齒於寇讎固嘗登瀛岸
以望長安涕洟交集幾欲會涿郡而絕大漠寤寐不
忘逮東西樞亟圖北伐念衆人有所不識惟明主可
與忠言廟謨朝奏於九天邊警暮馳於四鄙士皆沮
駭公獨請行謝安當淝水之師了无懼色裴度董淮
西之役敢計還期籌帷端坐於一麾軍氣頓增於百
倍旌旂所指漿食爭迎前徒奔潰以倒戈元惡遠巡
而授首斷鼈足以立四極射旄頭以靖八荒故國山
川盡入職方之貢賦中原父老重瞻司隸之威儀曠
古所難非公孰克第功行賞當冠漢庭之十八侯裂
土分茅行錫魯邦之七百里某迹遠六符之采親聞
三捷之音上喜慰祖宗在天之靈下幸息黔黎塗地
之苦何如帶而山如礪莫紀元功墨成海而筆成倉
難形善頌

禮部抄錄

賀黃觀文除宣撫啟

汪聖錫

被百衲衷移司邊悃獨專節制兼顧便宜將布宣天子之威以增重朝廷之躰風聲遠暢將士交歡切觀夷狄之去來蓋示國家之強弱可以明訓請驗前朝寇萊公決策於親征一矢投機於達覽富鄭公約盟於修幣百年弭禍於契丹戰者非有心於怯強勢不當和而當戰和者非曲意於示弱時未可戰而可和允為主謀之臣當審禦戎之策惟敵國有和而有戰故宣臺迭廢而迭興樞相張當轉戰之功黜陟自專權不得不得而重資政鄭處議和之後禮法自守權

禮部抄錄

卷十八

不得不殺而輕一則權至重足以有為故能拔擢群
雄類皆銘鍾而勒鼎一則權雖輕有以自立故能折
服諸將孰敢攘而指天彼累政姑息而太阿倒持兩
公激昂而屈指可數求於今世豈无若人儻匪大儒
白追前軌恭惟 某官久為人望親結主知九重深
託於腹心万里獨專於方面榮之食邑賞以觀文待
遇之礼有如此之隆倚毗之誠有如此之重俾盡護
於諸將謂敢懷於二心陝以東而陝以西有名分而
守閫以內而閫以外如輔車之依勢相錯於犬牙事
深防於子盾蓋一相處乎內所當遠慮以深思而五

大不在邊要在防微而杜漸豈止外嚴於守備蓋將
內謹於周防戰攻於此合從緩急可以共事經畫一
定威名四馳平居推赤心以待人未嘗敢後倉卒臨
白刃以赴敵孰敢不前載念常勝之家豈无可乘之
隙令胡騎寢聞於南牧我王師徐議於北征投鞭於
江衆豈可恃太白食月敵其可摧矧屢敗於前盟不
少虞於後禍陽收歲賂陰蓄釁端罪已貫盈勢將瓦
解宜沿邊盡屯於宿將而傳檄可歸於故疆進圖興
復則可定中原還保除固則未為上策願此設施之
先定想皆談笑而不勞若夫幕府之上賓當敢精神

播芳大全

之高選緩頰能於排難飛矢可以解圍投於風波之地而心不驚置在鼎鑊之前而色不變以共赴功名之會亦同輸忠義之秋至於軍國大謀邊庭密議雖鬼神而亦避豈口舌以能爭備負而行剩餘人无可者曳裾謂見願借箸以籌之

宋本卷第同

聖宋名賢五百家播芳大全文粹卷十九

賀啓

帝置

賀陳制置啓

李汝為

伏審密奉隆恩顯膺異數擁諸道兵權之重任一時帝命之專久鎮侯藩增光帥幕凡居節制第切欣愉恭惟某官濟世才高立朝人傑文章出於餘幕事術業本於壯圖尚卻穀之詩書兼吉甫之文武忠誠夙著金百鍊以難回正直獨行玉三獻而始辨感遇風雲之際會縱橫龍虎之韜鈴藹民望于播紳結主知於黼辰邦畿之右伊雒而南雄堞相高卧護列城之

播芳大全

卷十九

一

寄舟車所會折衝千里之選選從十萬之王師宣九重之廟略胸中敵國之下長城總建建于重湖禦武仲靈於全楚龔逆之息盜賊俾嚮化以自安寇恂之撫吏乃使迎風而咸定舉賢能於不次錫綸綍于非常計許以便益展盡經綸之術久於委任倚成扞蔽之功鳴騶在塗抗旌入境郡邑想聞其風采官寮仰望其威名某濫預分符側聆視印未識荊州之面已託庇於帡幪仰瞻元禮之門但馳誠於履舄

賀韓制置啓

譚栢雲

伏審諮詢才實敷錫寵光躋五品之名階總兩使之重任並為異數交慰師言恭惟某官磊落絕倫疎明適變迎刃而解謂世無難成之功名無心於求蓋已有必至之富貴班超何妨投筆充國復見罷屯旋被殊恩亟聯華貫乃眷朔方之重地是為天下之奧區須有實倉廩於暇時乃可制戎命之死大命方今鈔幣之法悉復故常衣食之源寢趣豐裕肇分使寄屬在周才固已昭百膠之威何止盛九年之蓄輿論所嚮成功可期某少慕激昂晚甘窮困不知抱闕之甚迺猶復攘臂而自矜已及瓜而當歸尚守株而弗去雖諧庇覆之願足慰滯留之私載企光塵倍深欣躍

賀張制置啓

邵公濟

遠分重地肇建行臺名震華夷慶開宗社恭惟 某
 官道德異稟文武兼資方為庠序之通已負廟堂之
 望高文大冊極爾雅於諸儒正論謹言嗣遺直於先
 世密參大政坐致中興獨膺推轂之求適^契請纓之
 志顧成功之甚偉尚秘計之不聞熊羆之士未鼓以
 行^輕蟻之寇已俯而拾通秦蜀而不隔極荆楚以無
 虞副聖主之傾心為名臣之魁首就護諸將易制全
 師增地形表裏之雄擬陣法首尾之勢豈徒居焉以
 保遠服蓋將自此而出中原強敵^虜心驚武士氣倍某

已鄰老境方宅^秋憂痛今古隔於九原念契義高乎
 三世當記橋公之約尚憐^嵇氏之孤頓失沈疴覩天
 日而^增快自慙薄技望節鉞以知歸

察^訪賀方察訪啓

黃獻之

伏審日侍清光密資獻納親承詔^旨來總諮詢特獲
 整於前^程俄擢^嗣於中省惟六尚最親之職實三朝
 未命之官明敬^典領之才益貢光華之選恭惟 某
 官用兼數器譽^振一時博^辯之資言皆析理精神所
 照物無遁情仰當睿聖非常之知亟被便蕃不次之
 寵乃眷使服當五路之浩繁暫假周才分八使而督

治威名遠暨僕觀澄汰^察之層公思渥存加盡繼休明之
聖世某久屬委使未著涓埃特瞻望於餘塵冀仰承
於大庇炎蒸在候榮衛方勤^祈倍保於生經用益隆
於天眷永言欣頌莫罄敷陳

賀鄭察訪啓

張真父

伏審密奉疇咨顯膺臨遣極當世光華之重副本朝
宵旰之勤聳然高風動於觀聽恭惟某官才優而
識敏言辯而志^智深出值亨嘉名既高而實自稱進當
繁劇刃不煩而力有餘乃眷三秦仍分六道內連甸
服外控遺羗官吏兼文武之宜疆場有兵食之備故

此澄清之任尤資通變之才昔有^者屬城已戴二天之
譽于今羣目具瞻八使之崇即茂林功遂還世職某
自憐弱植徒愧^空縻念夙借于餘光獲將承於大庇
炎蒸未已徒念^新方縈惟倍保於寢興用益隆於眷倚
但勤欣頌曷既悃悃

賀姚觀登啓

邵公濟

遠持將^錢略出護塞垣喜動軍中聲聞境外伏惟慶慰
伏以某官家傳忠義世有勲勞威名素震於關西
風采已傾於朝右衛青拜命衆皆聽於大將軍李愬
立功人但呼為小太尉方時謀帥為國扞城喜寇恂

之復來里閭動色聞臨淮之初至旗鼓生風肅承開
府之新亟辱移書之寵某間焉何濶老矣無奇恩重
命輕欲退藏而未敢眷深分厚宜教督以居多踴躍
之私梗概於是

賀曾總領啓

先奉新恩榮還舊物掌厚萬民之版籍首被疇咨翰六
路之貨財茂膺臨遣攬轡載馳於故治列城夙念於
先聲郵報一傳輿情共慶恭惟 某官朝推令德世
有美名學守韋平端是相門之相句凌鮑謝謂真詩
人之詩天資自得於高明人品有餘於醜籍含香覆

錦妙齡早試於為郎叱馭登車要路幾既經於出使所治
皆最無施不宜橫翔未及於中年僉論已嗟於太晚
眷茲元帥控彼上流聚金穀者不過六十州屯貔貅
者無慮百萬計自非轉輸之有術孰能供億之不窮
遴選老成總持領要揆之時望捨公其誰欽惟尊騎
之鼎來增重輶軒之偉觀木牛流馬想飛挽之靡勞
驚獸鳴鳶卒奮揚而自厲某少知學問長困羈窮素
無取堂下之言豈足參幕中之畫行將託於大廈真
有獲於初心冀蒙一盼之榮以塞平生之願歲律云晚
江國互寒跋履之間保顧頭是禱

賀王總領啓

林豈塵

祇奉宸音總領國計郎位叶東宮之應使星符西益
 之占驛書競傳士論稱羨恭惟某官氣岸高雅宇
 量粹融平生以富貴自期吏事以經術為節漢閭通
 籍名已重於縉紳諸公之間楚嶠觀風人自得於湖
 山千里之外方上計臺之最俄分版使之權率六路之
 武而歸於有司會九年之儲而按其大數厥今所尤
 重者於公蓋優為之聚金穀幾一百州咄嗟可以必
 辨屯貔貅數十萬衆餽餉為之有餘倚觀報政之成
 即後回朝之疾某近有除日喜得吾賢川途相違不

能隨賀客之後紙筆為問姑少叙故人之情

賀王總領啓

李方叔

顯膺綸制峻陟總臺逖惟攬輿以澄清孰不望風而
 震疊屬居封部倍激懽悰伏惟欣慶恭以總領少
 卿中正以通柔嘉惟則學術諸儒之冠吏治百執之
 師久簡在於宸衷屢屈將於使指聲猷籍甚課績藹
 然宜當不次之求爰即非常之拜統綏六路刺舉百
 城卿月已高光輝臨於楚甸長樞將拱步武接於堯
 庭某倅貳濫居疲駑何補祇念簡書之畏敢辭闕鞅
 之勞願晞仲舉之風週輿以俟竊小亞卿之操投傳

摺芳金

而歸

總管

賀曹總管啓

周子充

伏以貳元帥之事實綰要權殿天子之邦逃惟巨訖
 方欲通於柔翰乃先枉於華緘恭惟 總管知閣太
 尉寬裕有容疏明無滯緣飾素高於儒雅波瀾坐進
 於老成龍已飛天獨眷潛藩之舊鵬方擊海共期要
 路之登束帶立朝則典二閣之容儀擁麾為將則亞
 十連之節制伉膺驛召還侍禁遊某涉道最近趨時
 甚拙諫垣有玷嘗慕於責難冊府無裨遂甘於置散
 豈圖記錄復冒召除存更南紀之封仍寓西清之直
 難由块北亦自吹噓念報惠之於瓊瑤而負愧深於
 芒刺矧加辭訥曷盡意誠

賀曹總管啓代

熊子復

伏以典宸闈之近職久切嚮風貳帥間之中權方諧
 借潤審旌旄之壓境遇臧牘以控誠伏惟總管 知
 閣仙韻邃清神標凝重識達古今之變才兼文武之
 全會早際於風雲恩久承於雨露贊縟儀於二閣任
 峻橫班侍清燕於九重寵均法從蔽自穆清之眷蔚
 為希濶之榮總戎乘以啓行御便朝而臨遣閩封偃
 息聊增重於十連漢禮 疇庸伉陞華於六纛某猥叨

使傳獲並將旄屬茂對於融和願精加於願嗇

賀廖總管啓

王宣子

峻陞橫列榮佐總戎見寵數之有加舉輿情而共慶
伏惟 某官良謀經遠精識照微踊躍一行綽著提
師之効周旋四守茂凝拊俗之功果被眷知併承華
渥更聽明言之召顯躋侍衛之崇威命可期指日以
俟某久同寓止猥荷照隣贊喜修誠悵裁戕之未果
撫謙制禮辱貽翰之輒先

賀傅總管啓

李仲信

光貳元戎復臨故部聖人之武不殺方戢於干戈天

子之錫有功遂顯於弓矢先聲所屆公議已孚伏惟
某官妙略鷲沉英材驍逸智達鬼神之變克壯其
猷威加草木之微不顯亦世惟踐揚之甚久故眷遇
之不衰乃出副於元侯以同護於諸將某聞風自昔
閑俗於茲念馳書之未遑忽寵緘之先逮虎頭顧後
尚阻奉觀於英姿豹尾導前仁更聆於異數

賀王戶侍出使啓

熊子復

伏審輟陪樞幕還貳版曹整禁代言兼奉內朝之顧
問龍庭將命更宣大國之威靈流播傳邇遐聳動觀聽
昔我神文享國之甚久若田宣簡理財之最長以至

掛

歐陽子之任詩臣文忠公之使敵國是皆曠絕孰與
等倫有來當代之英兼擅數公之美恭惟判部直
院侍郎受才傑異造理精微胸次容萬頃之波毫端
扛百斛之鼎既蜀道起久任盡歸乎來雖漢廷之多
才無出其右預禁庭之議參督府之謀謨雖晉公
欲屈於昌黎而文帝思訪於宣室趣歸計省無財穀
之問至廟堂進直詞林有書札之文賜方國屬遠人
之來款煩徒御以出疆雖古層使劣諸豈特能於專
對告嗣天子王矣俾復猷於歡盟仁觀英蕩之歸亟
贊巖廊之重某猥行原濕逖望門墻莫陪賓客之趨

曷勝寤寐之喜

賀奉使啓

郭中行

被命嚴宸宣威外域實為重事宜屬偉人恭惟某
官鑒量宏深辭華敏妙謀猷入告每有犯而不欺文
武兼資顧無施而不可適重使秦之選堪為喻蜀之
行蓋夙簡於上心宜肅將於王命實本朝之故事極
當世之榮觀某猥以凡庸誤膺器使仰聞盛譽竦聽
除音妙術占星欲訪幽人之學深誠向日喜聞信使
之臨

茶馬
賀王茶馬啓

劉季高

伏審榮升計府申莅茗司千里傳聞一詞懌豫百吏
 共推於大手兩川將至於息肩必著宏規永驅宿弊
 恭惟 某官識據異稟行覃前修出乎忠孝之故家
 辨若功名之餘事一言一樂無肇士篆刻之風百舉
 百能守先朝篤老之論惟獨蘊於天而絕異故所臨
 之地而有聲大盜驚心坐安北服小民引領卧治南
 甌甌辟止辟而刑祥心格心而吏畏果躋峻職益簡上
 心茗旗將搢於羣秀之中有遺味矣驥窟行空於萬
 里之外無留良焉行為異最之升重見修門之入某
 受材實散荷顧特深久慙東閣之遊退遂北堂之養

既一生不得文字之力故百里不免簿書之勞身留
 空山日對小吏睇窮途而甚感望舊館以祈恩魂夢
 交馳典刑未遂驟聞好語豈敢賦十里離之詩已振弊
 冠固將卜三沐之見其為欣悅莫究賀悰

賀周茶馬啓

周少蘊

六轡交馳遠播皇華之譽連城聳肅共傾按察之威
 里俗駭觀士林欣慕竊以陝蜀萬里茶馬兩司飲人
 資擯茗之功行地用駒駘之力霜華期火已知利孔
 之開駿骨生郊偏覺國威之重千綱載路四種殊毛
 土宜分推推課之征地類有阜蕃之政立為藝憲委以

排技錄

行壹必資經濟之才共講富強之計恭惟 某官岳
神儲秀星昴降精學窮古今之傳識動天人之奧少
游辟水富有文章晚入仕途諫議諸政術肅將臣節簡
在上心初分宰守之封旋入編修之局幕賓開府都
人誇淑問之陶竹馬迎郊邊郡重借昔留之寇宸衷軫
念朝望遠歸解還銅虎之符入對金鑿之殿未溫魯
席已擁漢軺究詳土物之征監視邊防之用求之有
藝壓趙贊之始謀思則無疆過魯僖之善牧山澤之
利盡歸於公府田戎之備不匿於私家稅從什一之
經敵有空資之困錢流地上疏開貨利之源籌運幄

中默破羌戎之膽非獨盡利國強兵之術又能申折
衝却敵之謀邊帥奏功璽書進秩玉堂金馬肇分秘
奧之司東觀蘭臺漸闡校讐之地掌開元之四部真
東壁之二星將參侍從之聯暫厯圖書之府前有柄
用此為要津當三冬雨雪之途攬一道澄清之轡輜
車夙駕故社驩迎衣錦還鄉笑指江山之舊過家上
冢光生阡陌之塵凡屬庇庥率增抃蹈某曩緣世契
獲覩下風久懷賀厦之心喜有拜塵之便

賀陳茶馬啓

沈元用

伏審輟自省曹分將使指利盡摘山之計弼成富國

之功總天庖之雲屯助王師之電擊三朝選使常冠
於他仙司萬里提封悉歸於餘照側聞喜命彌仰休聲
恭以某官沈靜而有為高明而多德總學洞九流之
奧不取近功文雕萬寶之華尚為餘事惟好修而難
合故屢抑而愈剛相如歸客於臨邛何妨奏賦劉向
出護於都水未害著書初不聞名利之談復何有喜
愠之色蘭臺典直虎節觀風姑為大任之權輿終見
姑人之事業某蚤諳棲倚亟荷眷憐錄其荒唐之辭
謂之可教矜此固陋之質許以無他今玷師儒適居
刺部想光華之在望悵趨走之未遑抃幸既深瞻依

載極

泉使

賀王提泉啓

周子充

伏審入條婉畫上契清衷帝寵方新光寓圖書之直
使名加大全提寶貨之封有識相趨趨不謀同慶恭惟
都大提點顯謨英姿挺出逸韻雄成摘華有寒芒
正色之垂游刃見錯節盤根之解蚤登陪於九列旋
出領於三官圜府歲輸金布充於都內釐室夜對智
略奏於上前果陞六閣之聯獨總九路之貨盖元豐
始隸於兩使而景祐實總於一臺職邃而高既下褒
賢之渥任專以重更彰復古之模卓為從索之階即

有追封之趣某猥當共理述借餘休惟頌歎之方勤
顧揆裁之曷既

賀劉提泉啓

鄭明舉

比奉詔條來司園法揆時載協布_或變聞初條教所享
吏民交賀伏惟 某官器能甚博學行兼優材久試
於吏途望素優於朝論三江_與壤簡聖意以方深九
府利源籍能名而有賴少需成績行擢要津某早望
煒符幸依庇賴阜財解愠將有望於絃歌入境宣風
行遂披於雲霧茲為慰愜實倍等倫

賀沈提泉啓

侯彥問

綸命初頒罄朝端而歸重宏才素辨覺邦國之如流
幸叨部吏之聯敢拜記曹之牘恭惟 某官清規快
俗厚德傳家學通萬卷之餘命偶千齡之會晏_星郎入
侍適_筵含香簪筆之華郡紱荐紆留截_登登攀轅之愛繡
衣仍舊畫錦增榮出持陶冶之權益遂澄清之志盡
東南之奧壤歸宰制之洪鈞名山川大不秘所藏之
寶羣司庶府頓銷嗜利之姦知源流本末之因有輔
贊彌縫之理某濫蒙教育未脫羈窮坐常困於針氈
居每傷於塵甑引吭數口待次十年往方邇於瓜期
俄復親於松蔭輸安海邑獲仰星輶顏子之事仲尼

雖貧亦樂飽叔之知管仲有過何虞唯恃私恩乃成
煩續過此以往未知所裁

賀王提泉啓

崔德符

伏審光奉宸恩榮持使節剛辰已協輿頌交歸恭惟
某官東箭南金泰山北斗繡衣畫斧常將命於四
方隼旆牙籌遂流錢於九路號令一新於萬里威權
更重於三司竝聞財用之豐餘益厚冕旒之顧盼別
膺茂渥入佐中興某夙荷幘幪今居總屬再覲光華
之遣喜色增新但深欣躍之懷願言罔既

賀晁提泉啓

王宣子

伏審特奉綸恩就兼泉政入丞九列比承帝遣之榮
出使四方增昇皇華之重縉紳動色原濕爭光竊以
周室制嚴掌具存於九府漢家禁密鑄獨在於三官
逮我聖朝參諸古治景祐始顯於一使元豐分設於
兩司然創事必貴因時而得人乃可行法眷此山川
之寶實惟財賦之淵官聯豈限於常員使務式煩於
并總恭惟 奉使提點寺丞英豪間氣醞藉名流早
歷要途光膺妙簡佐大農之職綽著於顯庸領數路
之權益隆於雅望某猥栖郡幕逖望使臺阻修敬於
公門輒控誠於竿牘列朝班而將指使式觀富國之

經持從索而贊皇猷詞時猷得賢之頌

船使 賀提船啓

林豈塵

榮膺紫渥寵耀皇華屬中都疏用度之源律外府幹
資遷之利慶傳賓驛喜自郵音恭惟 某官山川炳
靈日月垂譽蘊淵乎似道之質得浩然養氣之方檄
筆幕舊泛儉蓮之綠水寢門音戟坐臨韓奕之清風載
褒治行之優遂被光華之遣矧嶺表去中州而遠惟
司舶有南庫之名金貝綺扇咸萃於中珠玉象犀不
勝其數馬節使常兼其使迺新作嚮軍之堂孔祭酒
欲示其情遂首罷鬪貨之燕在今日尤重此選屈我

公特為是行牛酒以獻者將滿於途梯航而至者欲
藏於市衆心所頌拭目維新某頃來海瀕獲謁麾下
辱待以過客之禮幸望夫君子之儀茲何際會之多
又備奔走之役姓名若問誰為顛鵲之言紙墨有情
敢致起居之意

賀提船啓

孫正之

伏審疏渥紫宸聯華翠節接月卿之鳴珮夙展高蹤
望海國之飛檣肇分直指旌軺鼎至原濕頓光仰止
先朝之洪模取諸外域之瑰產年紀載登於元祐使
華增建於溫陵遠致蕃裔萬里泛鯨波之舶入輸京

藏百物萃雜林之珍執孰總要權必疇雅望恭惟提
舉寺丞家傳奧學世載令名賦質厚於渾金制行清
於潔玉入陪九列垂踐要塗出布六條整乘偏障果
錫十行之札就移六轡之馳駒降追鋒徑登從索某
猥分日蜀望星臺蠻夷八九之通姑重收於歲息
聖賢千一之遇任越遊於辰猷

潛使賀張都運啓

揚萬里

伏審妙簡清衷肅將隆指寵陞論撰選亞仙禁之高華
任督將輪統神皋之浩穰有識交頌不謀同辭竊惟
聖哲之經營先自國家之根本疆連吳越昔嘗啓於
霸圖運際唐虞今遂成於帝甸懸命遊遊礙於媚下人
傑宜漕於關中伏惟運使殿僕少卿奧學研幾周才
濟劇巨室一國所慕亟躋獻納之聯皇華六轡載馳
屢昇按澄之職然負全才者要須綿歷而將大任者
豈厭回翔尚屈壯圖式觀珠最長安三輔暫煩蕩節
之臨文昌六聯即被贊書之寵是惟公望夫豈私期
某猥殿於蕃實當所部審初交於軺傳庸遠寓於絨
膝聲雖成文言莫盡意

賀傅都運啓

伏審存膺綸制改附使權惟七侍之近班已推茂實

故三秦之劇部復賴周才成命既傳輿情昏慶恭以
 某官才猷英^博贈識量宏通蚤預賓筵謀深帷幄俄
 趨召節名動縉紳盖惟磊落之資宜在光華之選寢
 陪郎省屢典藩符愛有甚於棠陰榮每隣於隸萼周
 廬千列方觀不識之才積粟九年更茂夷吾之略某
 行能甚^下門戶已哀不自知其疲駑猶未忘於奮發
 獲塵周序猶聞樂職之詩幸與邦人共仰登車之志
 使旌在望驩頌載深

賀謝運使啓

沈德和

伏審入覲天光親敷使指載嘉偉績申錫殊恩內躋

禁閣之崇外正漕權之重寵紆金佩榮集使華伏惟
 驩慶 某官智術深明才猷^博達學洞古今之要文
 搞道德之英揮塵名言聳高風於微子臨池妙墨執
 逸駕於元常盖自峻涉要津備膺宸眷顧茲朔部控
 彼燕垂謂制勝當戒於不虞而威敵莫先於自治昔
 文帝收實塞之議後世因資以破敵^胡惟壽昌阻^沮羅穀
 之謀諸羌卒聞^也於畔漢文德繼^聖武^謀通^申天命寶
 臣築倉會府風飛雷動而有作天造地設而告成因
 民欲之所同故子來而弗擾亟底成績深契上心敷
 錫寵榮聳動觀聽何止富九年之蓄固當收百勝之威

別奉疇咨入膺大用某稟資極陋託庇至榮以甚疎
無用之才當難辨不習之職固思黽敏終懼謹訶仰
大匠之兼收庶散材之不棄私積陰雲之幸恭陳賀
厦之誠載披跋帡幪詎彈悃幅

賀芮都運啓

孫正之

伏審顯膺紫繁渥寵耀皇華旂纛帷將下於南荒有驛爭
陳於前次威聲遠被風采聳聞竊以厥今五嶺之陬
在昔百粵之地自有唐以來氣俗已變逮本朝之興
聲教旁加於監司郡守欲重其權非名公鉅卿莫副
茲選矧計臺尤急於用度在中郎實藉其轉輸聚歲

貢五十萬緡此其大數餉官軍幾千百計為之有餘
且南宮官悉自於銓衡故當辰每難於委注惟帝時舉
則公其人恭惟 都運御史先生學自心傳道存目
擊淵源得之游夏卓犖傾乎鄒枚此一旦事業之施
為皆前日詩書之張本為堂上之讀而見笑詎肯言
糟粕之餘雖臺中之評以為頑竟無負鷹鷂之擊方
明天子匪輕其外任茲部刺史喜得於吾賢第恐輜
軒未下欲下方下之間遂有走節一命再命三命之
召某雅非一日獨有二天硯席同遊猶記杏壇之風
月弩矢為役當驅海嶺之埃塵苟富貴未必相忘則

貧賤有所不失寸心所慕尺牘難言

賀沈都運啓

伏審榮將英蕩遠耀皇華颺命九重方黼宸暫辭於日月班風八郡迺繡衣舊領之山川先聲一傳佳頌四起恭惟某官剛大養而以直敬義立而不孤富貴固所自期文章乃其餘事諸公無出其右已先臺省之登天子尤器其材將為廟廊之用金馬政煩於遽宿承明何事於擇歡蓋上方不以內外而分重輕故公亦無以出入而有難易寵被周家之禮樂薦揚漢使之威儀攬轡遂行慨然有澄清天下之志給餉不絕庶幾成轉漕關中之功第恐輜軒未下之間而百走節再命之召某言非私任賀與衆同有司而主權衡頃已在門生之列先驅而負弩矢當益修縣令之恭

賀陳都運啓

孫仲益

一札流傳大慰雲霓之望十城驚聳並瞻斧繡之光恭惟某官夙擅冀北千里之稱時推斗南一人之傑培風背於九霄之路析秋毫於百戰之場攬轡車中鷹隼殆將擊矣埋輪道上狐狸何足笑焉某老病守藩疎傭負國謾索太倉之粟無補縣官空餘涸

轍之魚以俟君子俯深欣頌莫究名言

賀王都運啓

孫德莊

伏審密預選掄進當臨遣服寵名於秘殿總漕計於朔方霽然休聲震於羣聽恭惟某官疎明而有守宏裕而好謀才周文武之全識具幾微之本經術深博極游夏之淵源文章英奇軼班揚之氣象自致功名之念獨膺睿聖之知陸賈南馳百粵請命唐蒙西使夜郎入朝勳績亟掩於前人風采聳聞於當世再載錫使蕃之寵用昭後偉之功帝眷北方朝詔昭德輟中臺之要劇付一道之事權資通微應變之才致經

國裕民之效詎止富九年之蓄固已收百勝之威自茲期月之間必踐公台之任故事未邈斯言不謗某猥以疎愚厚承盼獎明廷賜第嘗並英游病未辭春獨為棄物蒙曲不計其曩昔頗不忍其困窮幸以姓名列在臨按使獲在驅馳之地未必無尺寸之功惟深恃於哀矜輒自忘其進越光華在望傾領頌載勤

賀胡都運啓

洪元之

伏審益隆宸簡升正漕權使指增雄仍總神皋之部官儀愈峻例階仙禁之除帝得其賢士有公論竊以用才者莫良於己試有功者必喜於見知按長安三

輔之繁既彰殊最頌建武十行之渥姑進顯名恭惟
都運敷文粵學研幾周才濟劇蚤聯內閣盡躋法
從之華徧歷近畿綽著吏師之績果就陞於使號仁
擢貳於尹條某孤處冷曹獲登崇仞一言褒重已欣
孤迹之逢九里澤多更為士流之慶

二月初七日宿松岡草舍檢此卷畢

午後題詩於垣外青桐及塔腰取數語
聖宋名賢五百家播芳大全文粹卷十九